

Dr. Elma Kuduzović diplomirala je na Medicinskom fakultetu Univerziteta u Tuzli 2013. godine. Svoj radni staž – sekundarac – započela je u Službi za onkologiju, hematologiju i radioterapiju Kantonalne bolnice Zenica.

Godine 2015. započinje specijalizaciju iz Socijalne medicine, organizacije i ekonomike zdravstva u Institutu za zdravlje i sigurnost hrane Zenica, koju je uspješno završila 2019. godine sa specijalističkim radom pod nazivom „Prijedlog mreže objekata porodične medicine na području Zeničko-dobojskog kantona“ .

Od 2019. godine zaposlena je kao specijalista socijalne medicine, a od oktobra 2024. godine obavlja funkciju rukovodioca Zavoda za javno zdravstvo unutar Instituta za zdravlje i sigurnost hrane Zenica.

Od 2021. godine angažovana je kao asistent na Medicinskom fakultetu Univerziteta u Zenici na predmetu Socijalna medicina, te kao asistent na Fakultetu zdravstvenih studija Univerziteta u Zenici na predmetu Socijalna medicina, organizacija i ekonomika zdravstva.

Tokom profesionalnog angažmana učestvovala je u brojnim nacionalnim i međunarodnim projektima iz oblasti promocije zdravlja, prevencije hroničnih bolesti, sigurnosti hrane i zaštite okoliša. Autorica je i koautorica niza naučnih i stručnih radova prezentiranih na domaćim i međunarodnim kongresima, te je aktivna u programima Agencije za kvalitet i akreditaciju u zdravstvu (AKAZ) kao vanjski ocjenjivač zdravstvenih ustanova.

Dr. Kuduzović je posvećena unapređenju sistema javnog zdravlja kroz multidisciplinarni pristup, razvoj inovativnih javnozdravstvenih programa i jačanje saradnje između zdravstvenog sistema, obrazovanja i zajednice.